

পরিচিতি

قُلْ هُذِهِ سَيِّئَاتٍ أَدْعُوكُمْ إِلَىٰ اللَّهِ عَلَىٰ بَصِيرَةٍ أَنَا وَمَنِ اتَّبَعَنِي
وَسُبْحَنَ اللَّهُ وَمَا أَنَا مِنَ الْمُشْرِكِينَ - (যোস্ফ ১০৮)

উচ্চারণঃ ‘কুল হা-যিহী সাবীলী আদ-উ ইলাঙ্গা-হি ‘আলা বাহীরাতিন আনা ওয়া মানিত তাৰা’আনী; ওয়া সুব্হা-নাল্লা-হি ওয়া মা আনা মিনাল মুশৱারীকীন’।

অর্থঃ ‘বলুন! ইহাই আমার পথ। আমি ও আমার অনুসারীগণ ডাকি আল্লাহর দিকে, জাগ্রত জ্ঞান সহকারে। আল্লাহ পবিত্র এবং আমি অংশীবাদীদের অন্তর্ভুক্ত নই’ (ইউসুফ ১২/১০৮)। ‘আহলেহাদীছ’ অর্থ ‘হাদীছের অনুসারী’। পারিভাষিক অর্থে ‘কুরআন ও ছহীহ হাদীছের অনুসারী’। সকল দিক ছেড়ে পবিত্র কুরআন ও ছহীহ হাদীছের দিকে ফিরে যাওয়ার আন্দোলনকেই বলা হয় ‘আহলেহাদীছ আন্দোলন’। ছাহাবায়ে কেরাম, তাবেঙ্গনে ইযাম ও সলাকে ছালেহীন সর্বদা এ পথেরই দাওয়াত দিয়ে গেছেন। ‘আহলেহাদীছ’ তাই প্রচলিত অর্থে কেন ফের্কা বা মতবাদের নাম নয়, এটি একটি পথের নাম। এ পথ আল্লাহ প্রেরিত সর্বশেষ অহি-র পথ। পবিত্র কুরআন ও ছহীহ হাদীছের পথ। এ পথের শেষ ঠিকান হ'ল জান্নাত। মানুষের ধর্মীয় ও বৈষয়িক জীবনের যাবতীয় হেদয়াত এ পথেই মওজুদ রয়েছে। ‘আহলেহাদীছ আন্দোলন’ সেই জান্নাতী পথেই মানুষকে আহ্বান জানায়। এ আন্দোলন তাই মুমিনের ইহকালীন মঙ্গল ও পরকালীন মুক্তির একমাত্র আন্দোলন।

সংগঠনের নাম

বাংলাদেশ আহলেহাদীছ যুবসংঘ
جمعية شبان أهل الحديث بنغلاديش
(জমইয়াতু শুবানে আহলিল হাদীছ বাংলাদেশ)

BANGLADESH AHLEHADDEETH YOUTH ASSOCIATION

প্রতিষ্ঠাকাল : ১৯৭৮ সালের ৫ই ফেব্রুয়ারী রবিবার

লক্ষ্য ও উদ্দেশ্য

নির্ভেজাল তাওহীদের প্রচার ও প্রতিষ্ঠা এবং জীবনের সর্বক্ষেত্রে কিতাব ও সুন্নাতের যথাযথ অনুসরণের মাধ্যমে আল্লাহর সন্তুষ্টি অর্জন করা। আকুলী ও আমলের সংশোধনের মাধ্যমে সমাজের সার্বিক সংস্কার সাধন আহলেহাদীছ আন্দোলনের সামাজিক ও রাজনৈতিক লক্ষ্য।

পাঁচটি মূলনীতি

১. কিতাব ও সুন্নাতের সার্বভৌম অধিকার প্রতিষ্ঠা
এর অর্থ- পবিত্র কুরআন ও ছহীহ হাদীছে বর্ণিত আদেশ-নিয়েধকে সর্বোচ্চ অগ্রাধিকার দেওয়া এবং তাকে নিঃশর্তভাবে ও বিনা দ্বিধায় কবুল করে নেওয়া ও সেই অনুযায়ী আমল করা।

২. তাকুলীদে শাখী বা অন্ধ ব্যক্তিগুজার অপনোদন ‘তাকুলীদ’ অর্থ- শারঙ্গ বিষয়ে বিনা দলীলে কারো কোন কথা চোখ বুঁজে মেনে নেওয়া। ‘তাকুলীদ’ দু’প্রকারের: জাতীয় ও বিজাতীয়। জাতীয় তাকুলীদ বলতে ধর্মের নামে মুসলিম সমাজে প্রচলিত বিভিন্ন মাযহাব ও তরীকার অন্ধ অনুসরণ বুঝায়। বিজাতীয় তাকুলীদ বলতে- বৈষয়িক ব্যাপারের নামে সমাজে প্রচলিত পুঁজিবাদ, সমাজবাদ, গণতন্ত্র, জাতীয়তাবাদ, ধর্মনিরপেক্ষতাবাদ প্রভৃতি বিজাতীয় মতবাদের অন্ধ অনুসরণ বুঝায়।

৩. ইজতিহাদ বা শরী‘আত গবেষণার দুয়ার উন্মুক্ত করণ ‘ইজতিহাদ’ অর্থ, যুগ-জিজ্ঞাসার জওয়াব পবিত্র কুরআন ও ছহীহ হাদীছ হ’তে বের করার জন্য সর্বাত্মক প্রচেষ্টা চালানো। এই অধিকার ক্ষিয়ামত পর্যন্ত সকল যুগের সকল মুত্তাকী ও যোগ্য অলিমের জন্য খোলা রাখা।

৪. সকল সমস্যায় ইসলামকেই একমাত্র সমাধান হিসাবে পরিগ্রহণ এর অর্থ- ধর্মীয় ও বৈষয়িক জীবনের সকল সমস্যায় ইসলামকেই একমাত্র সমাধান হিসাবে গ্রহণ করা।

৫. মুসলিম সংহতি দৃঢ়করণ

এর অর্থ- পবিত্র কুরআন ও ছহীহ হাদীছের আদেশ ও নিয়েধকে নিঃশর্তভাবে মেনে নেওয়ার ভিত্তিতে মুসলিম একু গড়ে তোলা এবং মুসলিম উম্মাহর সার্বিক স্বার্থকে অগ্রাধিকার দেওয়া।

উপরোক্ত লক্ষ্য, উদ্দেশ্য ও মূলনীতিসমূহের যথাযথ বাস্তবায়নের মাধ্যমে ‘বাংলাদেশ আহলেহাদীছ যুবসংঘ’ চায় এমন একটি ইসলামী সমাজ, যেখানে থাকবেনা প্রগতির নামে কেন বিজাতীয় মতবাদ; থাকবে না ইসলামের নামে কেনকুপ যাহাবী সংকীর্ণতাবাদ।

চার দফা কর্মসূচী

‘বাংলাদেশ আহলেহাদীছ যুবসংঘ’-এর চার দফা কর্মসূচী হল- তাবলীগ, তানযীম, তারিবিয়াত ও তাজিদীদে মিলাত। অর্থাৎ প্রচার, সংগঠন, প্রশিক্ষণ ও সমাজ সংস্কার। এর মধ্যে সমাজ সংস্কারই হ'ল মুখ্য।

১ম দফা: তাবলীগ বা প্রচার

এ দফার করণীয়ঃ (ক) ব্যক্তিগত সাক্ষাত্কার ও সমপ্রীতির মাধ্যমে জনগণের নিকটে বাংলাদেশ আহলেহাদীছ যুবসংঘের দাওয়াত পৌঁছানো (খ) প্রতিদিন বাদ এশা মুছল্লাদীরের সম্মুখে অর্থসহ একটি করে হাদীছ শুনানো (গ) সাংগীতিক তালীমী বৈঠক

আসুন! পবিত্র কুরআন ও ছহীহ হাদীছের আলোকে জীবন গঢ়ি।

করা ও তাবলীগী সফরে গমন করা (ঘ) সাংগৃহিক পারিবারিক তালীমের ব্যবস্থা করা (ঙ) জুম'আর খুৎবা প্রদান করা, ইসলামী জালসা, সুধী সমাবেশ, সাংবাদিক সম্মেলন, সেমিনার ইত্যাদির আয়োজন করা ও স্থানে বক্তৃতা করা (চ) সংগঠনের পত্রিকা ও বইসমূহ পড়ানো, পোস্টারিং ও প্রচারণা বিতরণ করা ইত্যাদি।

২য় দফাঃ তানযীম বা সংগঠন

(ক) কর্মীদের স্তর তিনটি : প্রাথমিক সদস্য, কর্মী ও কেন্দ্রীয় কাউন্সিল সদস্য।

(খ) সাংগঠনিক স্তর পাঁচটি : শাখা, এলাকা, উপযোগী, যেলা ও কেন্দ্র। কোন গ্রামে বা মহানগরে কমপক্ষে তিনজন 'প্রাথমিক সদস্য' থাকলে যেকোন একজনকে সভাপতি, একজনকে সাধারণ সম্পাদক ও একজনকে সদস্য করে শাখা গঠন করা যাবে। যেলা না থাকলে উক্ত শাখা কেন্দ্র কর্তৃক সরাসরি অনুমোদিত হবে।

৩য় দফাঃ তারবিয়াত বা প্রশিক্ষণ

এ দফার করণীয় : (ক) প্রতিদিন নিয়মিতভাবে কুরআন, হাদীছ এবং সাংগঠনিক বই-পত্রিকা অধ্যয়ন করা (খ) সাংগৃহিক তালীমী বৈষ্ণবীকে যোগাদান করা (গ) প্রশিক্ষণ শিখিবে অংশগ্রহণ করা (ঘ) নিয়মিতভাবে তাহজুদ ও অন্যান্য নফল ছালাত আদায় করা এবং সঙ্গে প্রতি সোম ও বৃহস্পতিবার বা মাসে তিন দিন আইয়ামে বীয়-এর নফল ছিয়াম পালন করা (ঙ) সর্বদা হালাল রুয়ী গ্রহণে সচেষ্ট থাকা, সুন্নাতী দাঢ়ি রাখা, তাকওয়ার লেবাস পরিধান করা ও বাড়ীতে ইসলামী পর্দা রক্ষা করা (চ) নির্ভেজাল তাওহীদ ও ছহীহ সুন্নাহর আলোকে জাহেলিয়াতের বিভিন্নরূপী চ্যালেঞ্জের মুকাবিলায় ইসলামকে বিজয়ী করার মত যিন্দাদিল মর্দে মুজাহিদ কর্মী তৈরীর কার্যকরী ব্যবস্থা গ্রহণ করা।

৪থ দফাঃ তাজদীদে মিলাত বা সমাজ সংক্ষার

আমরা বিশ্বাস করি যে, আল্লাহ প্রেরিত সর্বশেষ 'আহি' পবিত্র কুরআন ও ছহীহ হাদীছ হ'ল অভিস্ত সত্যের চূড়ান্ত মানদণ্ড। উক্ত আহি-র সত্যকে মানব জীবনের সকল দিক ও বিভাগে প্রতিষ্ঠা করা ও সেই আলোকে সমাজের আমূল সংস্কারের লক্ষ্যে আমরা নিম্নোক্ত তিনটি বিষয়কে অগ্রাধিকার দিতে চাই।

১- শিক্ষা সংক্ষার

উচ্চ নেতৃত্বক সম্পন্ন, যোগ্য, দক্ষ ও দেশপ্রেমিক জনশক্তি তৈরী করাই হবে শিক্ষার জাতীয় লক্ষ্য। সে লক্ষ্য অর্জনের জন্য আমাদের প্রথম দায়িত্ব হ'ল তাওহীদ, রিসালাত ও আখিরিত ভিত্তিক জাতীয় শিক্ষানীতি নির্ধারণ করা। উক্ত শিক্ষানীতি বাস্তবায়নের জন্য আমাদের মৌলিক কর্মসূচী নিম্নরূপ:

(ক) দেশে প্রচলিত ধর্মীয় ও সাধারণ শিক্ষা ব্যবস্থার দ্বিমুখী ধারাকে সমৰ্পিত করে কুরআন ও সুন্নাহ ভিত্তিক একক ও পূর্ণাঙ্গ ইসলামী শিক্ষা ব্যবস্থা চালু করা এবং সরকারী ও বেসরকারী তথা কিশোর পাঠ্যে, প্রি-ক্যাডেট, ও-লেভেল ইত্যাদি নামে পুঁজিবাদী শিক্ষা ব্যবস্থা বাতিল করে বৈষম্যহীন ও সহজলভ্য শিক্ষা ব্যবস্থা চালু করা। (খ) ছেলে ও মেয়েদের পৃথক শিক্ষা পরিবেশ নিশ্চিত করার মাধ্যমে উভয়ের জন্য উচ্চ শিক্ষা এবং পৃথক কর্মক্ষেত্রে ও কর্মসংস্থান প্রকল্প গ্রহণ করা (গ) শিক্ষা প্রতিষ্ঠানে যাবতীয় দলাদলি ও রাজনৈতিক ক্রিয়াকাণ্ড নিষিদ্ধ করা এবং প্রয়োজনবোধে সেখানে বয়স, যোগ্যতা ও মেধাভিত্তিক প্রতিনিধিত্ব ব্যবস্থা প্রবর্তন করা। (ঘ) আকুদাবিনষ্টকারী সকলপ্রকার সহিত্য ও সংস্কৃতি বর্জন করা এবং তদন্তে ছহীহ আকুদা ও আমল ভিত্তিক সাহিত্য ও সংস্কৃতি চালু করা।

২- অর্থনৈতিক সংক্ষার

হালাল রুয়ী ইবাদত কুলের অন্যতম পূর্বশর্ত। অর্থচ সুদ-ঘৃষ, জুয়া-লটারী যা ইসলামে হারাম ঘোষিত হয়েছে এবং পুঁজিবাদী অর্থনৈতির নোংরা হাতিয়ার হিসাবে যা সর্বযুগে সকল জনী মহল কর্তৃক নিষিদ্ধ হয়েছে, সেই প্রকাশ্য হারামী অর্থব্যবস্থা বাংলাদেশে যুগ যুগ ধরে চালু রয়েছে। ফলে ধনীদের হাতে সম্পদ কুক্ষিগত হচ্ছে ও গরীবেরা আরও নিঃস্ব হচ্ছে। যার পরিণতি স্বরূপ সমাজে অশান্তি দিন দিন বৃদ্ধি পাচ্ছে। সেই সাথে যোগ হয়েছে দেশী ও বিদেশী পুঁজিবাদী সুদখোর এন.জি.ও-সমূহের অপতৎপরতা। যাদের অধিকাংশ দারিদ্র্য বিমোচনের নামে দারিদ্র্য স্থায়ীকরণ করছে এবং অনেকে সাধারণ জনগণের ঈমান ও নৈতিকতা হরণ করছে। এভাবে দেশটি সর্বদা অর্থনৈতিকভাবে পঞ্চ ও পরমুখাগেক্ষী হয়ে রয়েছে- যা আন্তর্জাতিক সুদীচক্র ও সাম্রাজ্যবাদীদের সুদূরপ্রসারী নীল নকশারই অংশ। উপরোক্ত দুর্দশাগ্রস্ত অবস্থা হ'তে দেশ ও জাতিকে মুক্ত করার লক্ষ্যে আমাদের কর্মসূচী সমূহ নিম্নরূপঃ

(ক) সকল প্রকারের হারাম উপার্জন হ'তে বিরত থাকা।
(খ) যাবতীয় অলসতা, বিলাসিতা ও অপচয় পরিহার করা এবং সর্বদা 'অল্লে তুষ্ট থাকার' ইসলামী নীতির অনুশীলন করা।
(গ) নির্দিষ্ট ইমারত-এর অধীনে সুষ্ঠু পরিকল্পনা মোতাবেক বায়তুল মালের সংগ্রহ ও বন্টন ব্যবস্থা নিশ্চিত করা।
(ঘ) সমাজ কল্যাণমূলক ইসলামী প্রকল্প সমূহ গ্রহণ ও বাস্তবায়ন করা।

(ঙ) অনেসলামী অর্থব্যবস্থার বিরুদ্ধে ব্যাপক জনমত গড়ে তোলা এবং দেশের সরকারের নিকটে ইসলামী অর্থব্যবস্থা চালুর জন্য জোর দাবী পেশ করা।

৩- নেতৃত্বের সংক্ষার

অধিকাংশ ক্ষেত্রে অসৎ নেতৃত্ব আজ সমাজ জীবনকে বিষয়ে তুলেছে। শান্তিপ্রিয় সৎ নেতৃত্ব সর্বত্র মুখ লুকিয়েছে। এ অবস্থা

সৃষ্টির জন্য পূর্বে বর্ণিত শিক্ষাগত ও অর্থনৈতিক কারণ দুটি ছাড়াও নিম্নোক্ত বিষয়গুলিকে আমরা মৌলিক কারণ হিসাবে চিহ্নিত করতে পারিঃ

- (ক) সরকারী ও বিরোধী দলীয় রাজনৈতিক পদ্ধতি এবং হরতাল, ধর্মঘট ও মিছিলের যথেচ্ছ ব্যবহার।
- (খ) দল ও প্রার্থী ভিত্তিক নেতৃত্ব নির্বাচন ব্যবস্থা।
- (গ) সৎ ও অসৎ সকলের ভৌতের মূল্য ও নির্বাচনের অধিকার সমান গণ্য করা।
- (ঘ) দলীয় প্রশাসন, দুর্নীতিগ্রস্ত আমলাত্ত্ব ও বিচার ব্যবস্থা।
- এক্ষণে নেতৃত্ব সংস্কারের লক্ষ্যে জাতির নিকটে আমাদের প্রস্তাবসমূহ নিম্নরূপঃ
- (ক) সর্বত্র ইসলামী নেতৃত্ব নির্বাচন নীতি অনুসরণ করা এবং ইমারত ও শূরা পদ্ধতি অনুযায়ী দেশ পরিচালনা করা।
- (খ) আল্লাহকে সার্বভৌম ক্ষমতার মালিক হিসাবে ঘোষণা করা এবং তাঁর প্রেরিত সর্বশেষ 'আহি' পবিত্র কুরআন ও ছহীহ হাদীছকে রাখ্তীয় আইনের মূল ভিত্তি হিসাবে গ্রহণ করা।
- (গ) স্বাধীন ও ইসলামী বিচার ব্যবস্থা চালু করা।

আমাদের দাওয়াত

'বাংলাদেশ আহলেহাদীছ যুবসংঘ' এদেশে ইসলামের পূর্ণসং বিজয় ও বাস্তবায়ন দেখতে চায়। এজন্যে রাসুলুল্লাহ (ছাঃ)-এর তরীকা অনুযায়ী নির্দিষ্ট 'ইমারত'-এর অধীনে পূর্ণ ইখলাছের সাথে দাওয়াত ও জিহাদের কর্মসূচী নিয়ে জামা আতবদ্বন্দ্বভাবে এগিয়ে যেতে চায়। 'জিহাদ' অর্থ 'আল্লাহ'র পথে সর্বাত্মক প্রচেষ্টা চালানো'। বাস্তুৎ: বাতিলের সঙ্গে আপেশ না করে নবীগণের তরীকায় বাতিলের মুকাবিলা করে হক প্রতিষ্ঠার পথ সুগম করাই হ'ল 'জিহাদ' এবং তাওহীদের মর্মবাণীকে জনগণের নিকট পৌছে দেওয়াই হ'ল প্রকৃত 'দাওয়াত'। অতএব কিতাব ও সুন্নাতের সর্বেচ অগ্রাধিকারে বিশ্বাসী সকল মুমিন ভাই-বোনকে এই জিহাদী কাফেলায় শামিল হ'য়ে জান ও মালের কুরবানী পেশ করার জন্যে আমরা উদাত্ত আহ্বান জানাই!

আরো জানতে পড়ুন

- গঠনতত্ত্ব, কর্মপদ্ধতি
- আহলেহাদীছ আন্দোলন কি ও কেন?
- ইক্সামেট দীন : পথ ও পদ্ধতি
- ইসলামী খেলাফত ও নেতৃত্ব নির্বাচন
- মাসিক আত-তাহরীক
- তাওহীদের ডাক

এছাড়াও যুবসংঘ প্রকাশনী, হাদীছ ফাউনেশন প্রকাশনী ও আহলেহাদীছ আন্দোলনের অন্যান্য বই, পত্রিকা ও প্রচার পত্র সমূহ।

প্রকাশনায় : বাংলাদেশ আহলেহাদীছ যুবসংঘ

কেন্দ্রীয় কার্যালয়

আল-মারকায়ুল ইসলামী আস-সালাহী (২য় তলা)
নওদাপাড়া (আমচতুর), পোঃ সপুরা, শাহমখদুম, রাজশাহী।
ফোন : (০২৪৭)-৮৬০৯৯২, মোবাঃ ০১৭৪০-৯৯১৩১৭
ই-মেইল : jobosonghobd@gmail.com
ওয়েব সাইট : www.ahlehadeethbd.org